



Senin, 16 Mei 2022
Ogen: Esekiel 38: 18-23



Erbage-bage Cilaka



Ibas perikop sebelumna, Tuhan mpekeke Gog ras koalिसina jadi perkakasNa guna nerang bangsa Israel. Tapi labo pernah ate Dibata gelah bangsa si ikelengiNa mate dengen masap bas doni enda nari erkiteken serangan bangsa sideban. Tuhan tetap numpak-numpak ras mpekena-kena bangsa pilihanNa. Bage kin enggo jadi perpadanenNa man nini-nini bangsa Israel. Tupung. iserang Gog bangsa Israel, ibahan Tuhan reh erbage-bage cilaka. Deleng runtuh, lingling meruhruh, tembok-tembok mbulak kerina, reh pinakit, udan meder ras baho, udan api ras kertah. Enda nuduhkensa maka Tuhan kap si jadi pembela dengen penjaga man bangsaNa. Arah erbage-bage cilaka si reh man Gog ras bangsa-bangsa si nerang Israel, nuduhkensa maka Tuhan erkuasa nandangi alam, Ia erkuasa nandangi bangsa-bangsa ras Ia ngenca Tuhan si erkuasa dengen badia. Gog ras koalिसina meteh ise Tuhan janah Israel lanai pernah eraru ate kerna perlindungan Tuhan. Arah serangan bangsa-bangsa e, kemulian Tuhan teridah, kerina bangsa ngidah maka Tuhan e me ampang-ampang ras perlindungan si tuhu-tuhu man umatNa. E maka belinen nge keleng ate Tuhan e asangken rawana. Terlebih adi iidah Tuhan umatNa igasgasi dengen ipersekusi, maka Tuhan jine jadi pembela nandangi umatNa. Kesetian Tuhan nandangi padanNa tetap igelemNa janah icidahkenNa alu erbage-bage perbahanen si mbisa.

Nggo sepatutna pe Moria tetap setia man Tuhan. Labo pernah ipediatna kita cilaka erkiteken kekelengenNa man banta, tapi iampang-ampangiNa kita dengen ilindungiNa arah erbage-bage musuhta. Musuhta banci saja perbeben-perbeben, kiniseran, kebiaren, kearun ate, pinakit, masalah ekonomi ras sidebanna. Uga pe gegehna musuhta e janah uga gia melalana sedekah kita tek dengen ngendesken geluhta man Tuhan, maka Tuhan jine si bertindak. Cilaka entah perbeben si nderpa kita banci jadi kite-kite kinitekenta reh paguhna.